

根本說一切有部毗奈耶羯耻那衣事一卷 綺

大唐三藏義淨奉 制譯

今時佛在室羅筏城逝多林給孤獨園時有衆多苾芻在自來城三月坐雨安居已各持衣鉢詣世尊所路逢泥雨困於暑熱野草割身遍皆流汗漸次遊行至室羅筏城時諸苾芻安置衣鉢洗足已至世尊處頂禮雙足在一面坐世尊常法見客苾芻來共相慰問汝於何處安居而來至此自言世尊我等於自來城三月安居已而來至此問言汝等在彼安居於三月中得安樂住不乞求飲食不難得不答言世尊我等三月安樂而住飲食不難我等從彼擊持衣鉢所經道路泥雨艱辛身形疲頓漸來至此世尊聞已作如是念我諸弟子雨安居竟人間遊行擊持衣鉢路逢泥雨極遭辛苦形體疲頓我今宜可令諸苾芻得安樂住并諸施主福增長故聽諸苾芻張羯耻那衣張此衣時有五勝利一無過十日犯二無過一月犯三無過經宿離衣犯四唯著上下二衣得

人間遊行五得隨意多蓄長衣復有五種饒益一得別衆食二得數數食三俗家不請得往受食四得隨意多求衣五始從八月半至正月半時經五箇月所得財物皆是羯耻那衣利養如是開時令諸弟子得安樂住即告諸苾芻欲令汝等得安樂住并諸施主福增長故雨安居衆張羯耻那衣獲多利益如前十種如世尊說張羯耻那衣者諸苾芻不知云何張衣佛言三月安居衆獲衣物應將作衣先以言白告衆令知大衆應知今夏坐苾芻衆得此衣若大衆樂者令將此物為衆作羯耻那衣至明日已鳴捷推集僧伽言白已周令一苾芻作白曰

大德僧伽聽此衣是此處雨安居僧伽所獲利物僧伽今將此衣作羯耻那此衣當為僧伽張作羯耻那若張衣已雖出界外所有三衣尚無離過何況餘衣若僧伽時至聽者僧伽應許僧伽今將此衣令某甲苾芻當為僧伽作羯耻那若張衣已雖出界外所有三衣尚無離過何況餘衣如是羯

摩准白成次當差張羯耻那衣苾芻須具五德者應可量差所謂無欲愛恚癡知張與不張若異此者即不應差如是應差為前方便衆現集已應先問能不能云汝某甲能為僧伽作張衣人不若言能者答言我能次一苾芻作白羯磨差云大德僧伽聽此苾芻某甲樂作張羯耻那衣人今為僧伽張羯耻那衣若僧伽時至聽者僧伽應許僧伽今差某甲苾芻作張羯耻那人此某甲當為僧伽張羯耻那衣白如是大德僧伽聽此苾芻某甲樂作張羯耻那人今為僧伽張羯耻那人今差某甲作張羯耻那人某甲苾芻當為僧伽作張羯耻那人某甲苾芻當為僧伽張羯耻那人若諸具壽聽差某甲作張羯耻那人此某甲當為僧伽張羯耻那者默然若不許者說僧伽已聽此某甲作張羯耻那人此某甲當為僧伽作張羯耻那人竟僧伽已聽許由其默然故我今如是持其次張衣苾芻應作白羯磨差云作羯耻那衣大德僧伽聽此衣當為僧伽作羯耻那衣此苾芻某甲僧伽已差作張衣

毗奈耶羯耻那衣事 第三張 綺

毗奈耶羯耻那衣事 第三張 綺

人若僧伽時至聽者僧伽應許僧伽今以此衣作羯耻那付某甲苾芻白如是羯磨准白應作

作羯耻那衣苾芻制其行法作衣之處當須在前洗浣染治割截縫刺乃至刺三兩針共作復須再三作如是念此衣當為僧伽張作羯耻那衣現張作羯耻那衣已張作羯耻那衣於此三心但為後二亦成作法若不作者得惡作罪次至八月白半十五日其知事人應告大眾作如是白諸大德明日我當為眾張羯耻那衣仁等各各捨舊持衣束集某甲處其張衣苾芻於此衣上布列名花妙香熏醴鳴捷椎集眾言白復周可將此衣至上坐前立兩手擎衣作如是白

大德僧伽聽此衣僧伽許張作羯耻那衣我苾芻某甲僧伽今老作張羯耻那衣人我某甲是張羯耻那衣我以此衣當為僧伽張作羯耻那衣如是三說次舒張此衣上座前立作如是語上座存念此衣僧伽許作羯耻那衣我苾芻某甲是張衣人我今為大眾張

此衣上座答曰善哉張衣極善張衣此中所有財利饒益我當獲之如是三說乃至行末皆作是說善哉張衣極善張衣此中所有財利饒益我當獲之次復應知持衣人法不持此衣至大小便室不入厨舍煙火之處不安置露地不棄衣回界外設暫出不應經宿持衣苾芻若不依行者得越法罪其持衣人既至正月十五日應在眾中作如是白大眾應知明日當出羯耻那衣仁等各各守持白衣其有利物大眾應分與波離請世尊曰有幾種人不成張衣佛言有五種人謂無夏人破夏人後夏人求索人張衣之時不現前者復有五種不成張衣謂行遍住人行遍住竟人行六夜人行六夜竟人授學人大德有幾種人但得財利而無饒益佛言有五種人謂無夏破夏後夏求索不現前人復有五種人行遍住人遍住竟人六夜人六夜竟人授學人此謂得利無饒益大德有幾種人利益俱無佛言波離有五種人謂不見罪被舉人重犯被舉

人不捨惡見被舉人餘處坐夏人僧破已後非法律人

時有眾多苾芻人間遊行遭賊劫奪漸至室羅筏城諸苾芻見問言善來具壽行李安樂不答言何有安樂所是衣物皆被賊奪將報言具壽今我此處多有衣利若出羯耻那衣得與具壽共相分給以緣白佛佛言苾芻若有賊緩當可為出羯耻那衣應如是出如常作前方便已今一苾芻作白羯磨大德僧伽聽於此住處和合僧伽共張羯耻那衣今有眾多苾芻被賊所劫無衣至此若僧伽時至聽者僧伽應許僧伽今為此被賊苾芻出羯耻那衣白如是羯磨准白成乃至結竟既作法已所有利物受衣之人皆共平分其所得衣各隨自意分遺被賊無衣苾芻波離請世尊曰大德踈薄衣惡衣多結衣紵麻衣繚緣衣破故衣犯捨衣死人衣此等諸衣合作羯耻那不佛言不合

毗奈耶羯耻那衣事 第五卷 論

毗奈耶羯耻那衣事 第六卷 論

衣人或在界外得張衣不佛言不合
夏三月中所得衣成張衣不佛言得
若夏三月了所得之衣得作羯耻那
衣不佛言得若更有衆多法非法衣
准上文意應知

出羯耻那衣相本有八種云何為八
攝頌曰

初決去不定 決定失去衣 聞出出界疑
均斷同心出

云何決去失如有苾芻同在一處受
羯耻那衣作衣已竟於此無戀心遂持
衣鉢欲往餘方出界外更不擬來決
意出者是名決去失云何不定失如
有苾芻同在一處受羯耻那衣未作
衣遂出界外求衣或未作衣或已作
半於此利物及以住處或有戀或無
戀或有望或無望更擬還作衣或起
疑念是名不定失

云何決定失如有苾芻同在一處受羯
耻那衣未作衣遂出界外求衣作如
是念還來作衣復作是念我今出去
更不復來亦復不能造支伐羅是名
決定失

毗奈耶律卷之二十三 第五十三

云何失去失如有苾芻同在一處受
羯耻那衣未作衣出界外造支伐羅
起首作衣遂失其衣是名失去失

云何聞出失如有苾芻同在一處受
羯耻那衣未作衣出界外求衣念言
迴還我當作衣去後大眾遂便出衣
彼聞出羯耻那衣心生隨喜善哉出
衣是名聞出失云何出眾疑失如有苾
芻同在一處受羯耻那衣未作衣苾
芻自念出界作支伐羅若了若不了或
還不還生如是心出界便失云何均
斷失如有苾芻同在一處受羯耻那
衣作衣未竟出界求覓擬還作
衣既至彼方求衣不得均至心斷絕是
名均至斷失

云何同心出如有苾芻同在一處受
羯耻那衣作衣出界外求衣後還來
住處其衆作白二法出衣是名同心出

根本說一切有部毗奈耶羯耻那衣事卷

丙午歲高麗國大藏都監奉
勅雕造

此本非撰本耶衣事 第八卷

根本說一切有部毗奈耶羯耻那衣事
校勘記

一 底本，麗藏本。此經金藏本及諸
校本均無。今據麗藏本補錄，無
校。